

## الهدف



ختلط على الشباب مفهوم كلمة العالم .. ويتحيروا بين أن الله أحب العالم وفي نفس الوقت أوصانا أن لا نحب العالم، كما يجدوا الكثير من المغريات التي تجذبهم في العالم بعيداً عن محبة الله وتبعيته، ويشتد الصراع في جوانب معينة في هذه المرحلة السنية.

لذلك يهدف هذا الموضوع إلى:

- ❖ أن يعرف الشباب مفهوم كلمة العالم في الكتاب المقدس.
- ❖ أن يدركوا المقصود بالعالم كعدو.
- ❖ أن يتعلموا كيف يتغلبوا على هذا العدو.

العالم

## الأفكار الرئيسية

١. مفهوم كلمة العالم في الكتاب المقدس

٢. فلسفة هذا العالم مبنية على الشهوة والكبرياء

٣. كيف نتعامل مع العالم

٤. النصر



## مفهوم كلمة العالم في الكتاب المقدس

جاءت كلمة العالم في الكتاب المقدس بثلاث معاني:

١. العالم المادي (الخلقة)
٢. البشر
٣. العالم كعدو روحي

ويعدد الكتاب أعداء الإنسان الروحيين في هذه الحياة:

× العدو الأول: جسد الخطية.

× العدو الثاني: إبليس.

× العدو الثالث: العالم.

فالعالم كعدو روحي ليس المقصود به الناس الذين يعيشون حولنا لأن الله يوصينا أن نحب الناس، والناس هم من يشكلون هذا العالم، ولا العالم المادي. لكن المقصود بالعالم كعدو هو:

(١) المبادئ والقيم التي يتبناها إبليس.

(٢) محبة الأشياء التي في العالم: «لا تحبوا العالم ولا الأشياء التي في العالم» (١ يو ٢: ٥)، «محبة العالم عداوة لله» (يع ٤: ٤)، «لأن كل من ولد من الله يغلب العالم» (١ يو ٥: ٤) وقد عرفت كلمة الله «لأن كل ما في العالم: شهوة الجسد، وشهوة العيون، وتعظم المعيشة» (١ يو ٢: ١٦).

من الألقاب التي أطلقت علي إبليس (العدو الثاني) من خلال كلمة الله هو: رئيس هذا العالم (يو ١٢: ٣٠)، (يو ١٤: ٣٠)؛ لذلك يستخدم إبليس العالم بمصنوعاته ليعرض علينا افكاره ومبادئه، بل الأكثر من ذلك يضغط علينا بطرق مختلفة لنقبل هذه العروض المغرية أما بالترغيب أو بالترهيب، فالعالم هو صالة العرض التي يعرض فيها إبليس منتجاته ومبادئه وأفكاره.

## فلسفة هذا العالم مبنية على الشهوة والكبرياء

▪ **تعريف الشهوة:** إنها رغبة تدفع الإنسان إلى استخدام غريزة طبيعية في خدمة رغبات غير طبيعية. فإننا مثلاً عندما نحاول أن نستخدم الغذاء أو الجنس لتخفيف ألم العزلة، الوحدة، عدم الإحساس بالأمان، الخوف، الشعور بالتوتر، لإخفاء مشاعرنا، حتى لنشعر بالحيوية، لكي يساعدنا على الهروب، أو لإشباع إله الجوع في داخلنا، فنحن بذلك نعمل على خلق شهوة غير طبيعية تسيء استخدام الغريزة الطبيعية وتستغلها.

▪ **تعريف آخر للشهوة:** هي الرغبة الملحة التي تريد التنفيذ السريع وترفض التأجيل، عندئذ يفضل الشخص تحقيق الرغبة عن أي شيء.

▪ **الشهوة هي:** عدم القدرة على أن أقول لا. إن الشهوة تجعلني عبداً لها، إذ تقتل حريتي، بل بالحري تقتلني. إن الشهوة تطلب المزيد؛ ذلك لأن الشهوة تكون شهوات أخرى. إن الشهوة غيورة، فهي تريد أن تمتلكني. إن الشهوة تجعلني غارقاً في ذاتي، فهي تدفعني للدخول داخل نفسي.



وقد وضعها الكتاب المقدس في ثلاث اتجاهات:

- **شهوة الجسد:** أن أشتهي احتياجات الجسد (الطعام، الجنس، ...).
  - **شهوة العيون:** أشتهي ما تراه العين (الأشياء، المصنوعات، .....)، حب امتلاك المقتنيات، الضعف أمام المغريات. الشهوة عكس الحب، عكس العطاء وإنكار الذات لأن مركزها هو الذات، فالشهوة تحول البشر لأشياء نستمتع بها.
  - **تعظم المعيشة:** الافتخار بما حققته أو أنجزته أو الافتخار بما عندي، أو المقارنة، المنافسه المبنية علي الغيرة والحقد والحسد، وهي أيضًا محاولة إثبات الذات بالتحقير للآخرين والتعالي. الكبرياء عكس التواضع والإخلاء والتنازل.
- فلسفة العالم ومبادئه عكس مبادئ الله وإرسالته في المسيح.

## كيف نتعامل مع العالم

- ✍ لا نحب العالم كما فعل ديماس (٢ تي ٤ : ١٠). فديماس ترك الخدمة مع بولس بسبب حبه للعالم فنتيجة طبيعیه لحب العالم هو ترك خدمة الله.
- ✍ الاحتراز من الطمع: (لو ١٢ : ١٥) «وقال لهم: انظروا وتحفظوا من الطمع»، (اف ٤ : ١٧ ، ١٩)، (اف ٥ : ٣)، (اف ٥ : ٥)، وهنا يربط بين الطمع وعبادة الأوثان. عبادة الاوثان هي عبادة الالهة المصنوعة بأيدي الناس أي المحبة المادية، وهي نفسها محبة العالم (رو ١ : ٢٥).
- ✍ التحفظ من محبة المال لان محبة المال هي محبة العالم: (١ تي ٦ : ٩ ، ١٠)، (مت ٦ : ٢٤)، محبة المال أصل لكل الشرور أو هي الاله الآخر الذي نعبده دون الله، لأن محبة الأشياء عندما تكون أهم من محبة البشر تكون ضد إرادة ومشيئة الله، وهذا يغذي مبدأ الأنانية وحب الذات لأن محبة الأشياء تكون أهم من محبة الخالق.
- ✍ نكون ملح للأرض ونور للعالم (مت ٥ : ١٣ - ١٦) فقد صلى المسيح «لست اسأل أن تأخذهم من العالم. يو ١٧ : ١٥» .. يريد الله أن يتعايش أولاده في العالم ولكن لا تحيا مبادئ العالم داخلهم، مثل السفية في الماء ولكن إن دخلها الماء غرقت. بل نكون العامل الذي يحفظ هذا العالم من الفساد وينير ظلامه بمبادئ الملكوت.
- ✍ أن نكون حكماء كالحيات وبسطاء كالحمام (مت ١٠ : ١٦)؛ لأنه أرسلنا كحملان وسط ذئاب. البشر ليسوا أعدائنا، بل هم موضوع محبة الله ومن أجلهم مات المسيح، لكن اله هذا الدهر يستخدم البشر ضد أبناء الملكوت لذا ينصحن الكتاب أن نكون حكماء في التعامل معهم.
- ✍ يوصينا الله أن نحفظ الخليقة .. فعند خلق الانسان كانت وصية الله له أن «يعملها ويحفظها. تك ٢ : ١٥»

## النصرة

- ✠ النصره من خلال سلاح الله الكامل: (اف ٦ : ١٠ - ٢٠)، (كو ١٠ : ٤ ، ٥) الأسلحة الروحية هي سلاح الله وليست أسلحتنا الشخصية، وأنها قادرة بالله علي هدم حصون وظنون وكل علو يرتفع ضد معرفة الله.



✠ النصر من خلال قوة الله فينا: الدعوه هنا هي الوجود في الرب وأن نستقبل قوته لتحل فينا (يو ١٥ : ٤ ، ٥ ، ٧) ، (٢كو ١٢ : ٩). علينا هنا أن ندرك هدف هذه الحقيقة وخطورتها، فالقدرة والحماية والنصرة هي في الرب، والمكان الوحيد الآمن هو الرب (الحصن والصخرة)، ودعوة المسيح لنا: «اثبتوا في وأنا فيكم»، فالثبوت هنا تعني دوام البقاء، أي الإقامة الدائمة في شخص الرب، ومن هذا الوجود الدائم في الرب نستطيع أن نختبر السلطان علي العدو فلا نستطيع الانتصار علي العالم أو إبليس إلا بالتواجد في الرب والخضوع له.

✠ الرب قد وهب لنا كل ما نحتاجه للنصرة والغلبة:

▲ قوة عمل المسيح لأجلنا:


▪ صليب المسيح: (١كو ١ : ١٨)، (غل ٦ : ١٤).

▪ دم المسيح: (رؤ ١٢ : ١١).

▲ قوة الروح: (اع ١ : ٨)، (اف ٣ : ١٦)، (رو ٨ : ١٣)، وهنا يظهر من هذه الشواهد أنه هناك قوة خاصة ممنوحة لنا بالروح القدس الساكن فينا: قوة للشهادة، قوة للسلوك، قوة لحب الله وحب الآخرين، وبهذه القوة نستطيع أن نغلب العالم ومحبة الذات والأنانية.

▲ قوة الكلمة: (عب ٤ : ١٢)، (١يو ٢ : ١٤)، (يو ١٥ : ٧) الكلمة هي عطية الله لنا وهي التي ترشدنا وتنصحنا للسلوك بالتدقيق وتهدي طريقنا للبر، وأيضًا في الكلمة القوة والسلطان (ار ٢٣ : ٢٩)، والكلمة هي السيف الذي يخترق قلب الإنسان للتبكيه والتنقية، للتعليم والتوبيخ، للتشجيع والإرشاد (٢تي ٣ : ١٦)، والعدو يضللنا عندما لا نعرف الكتب (مت ٢٢ : ٢٩).

▲ سلطان الكنيسة: (اف ١ : ٢٢ ، ٢٣).



## الأساليب الخلاقية

### مناقشة

- ★ «لا تحبوا العالم ولا الأشياء التي في العالم» (١يو ٢ : ٥). «هكذا احب الله العالم.....» يو ٣ : ١٦ في رأيك .. هل تتناقض هاتان الآياتان؟
- ★ مت ٦ : ٢٤ ، ٢٥ - لماذا لا يمكننا أن نحب الله والمال؟
- ★ ما تأثير محبة المال عليك وعلي حياتك؟ - ما الفرق بين الغني ومحبة المال؟
- ★ ما مفهومك عن الطمع.
- ★ ما دور إبليس في الحرب الروحية؟
- ★ ما دور كلمة الله في الحرب الروحية؟

### المعنى

نحتاج لإثارة فكر الشباب قبل تقديم الموضوع



## اسكتش

٢ شياطين قاعدين على ترابيزة و ماسكين كوتشينة، واحد منهم كبير و ده جنبه كاس بيشرب منه كل شوية طول الاسكتش و الثاني صغير .. و بيلعبوا و هم بيتكلموا

**الصغير:** بس يا معلم إبليس، أنا لسه مش فاهم .. أنا بحاول أقول له بقالي ٣ أسابيع أنه ما يروحش الكنيسة عشان المشوار بعيد .. و هو لسه بيروح، أنا إيه ذنبي بقي؟ ما أنا باعمل اللي علي أهه

**الكبير (وهو بيشرب حاجة جنبه و هو بيلعب كأنها خمرة):** أما إنك شيطان غشيم صحيح

**الصغير:** ليه بس يا معلم!

**الكبير:** ياد افهم، أنا بحاول أفهمك من الصبح أن البني آدم من دول ما بيحيش بكده ..

افرض طيب أنك نجحت و خليتته ما يروحش للكنيسة يعني، قل لي هتعمل إيه لو بقي يصلي في البيت، هتقول له إيه ساعتها عشان يبطل صلاة في أوضته، الأوضة بعيدة هي كمان فيبطل يروحها؟

**الصغير:** و إيه لزوم التريقة دي بس يا معلم؟

**الكبير:** يا بني أنا بحاول أوعيك .. نفسي تكبر و تبقى فالح كده زي معلمك ..

ياد ده أنا ياما وقعت ناس من اللي بيسموهم مؤمنين دول .. و مشرفين في فريقنا دلوقتي .. لأ و إيه من جميع الأعمار و الأشكال و الجنسيات كمان

**الصغير:** ما أنت خبرة برضه يا معلمة .. فهمني اعمل كده إزاي؟

**الكبير:** لا احنا مش في مدرسة، مش هقول لك على خطوات تمشي عليها، عشان تحل المسألة ..

لكن أنا ممكن أفهمك أنت في إيدك إيه من مميزات، و كروت (بيبدأ يفنط كروت الكوتشينة و هو بيقول كده) و أنت تستغلها براحتك على حسب البني آدم من دول اللي عايز توقعه .. ماشي؟

**الصغير:** ماشي يا سيد المعلمين

**الكبير (يقلب كارت من كروت الكوتشينة و يوريه للجمهور):** ده أول كارت أنا بحب ألعب بيه ..

(يرمي الكارت على الترابيزة كأنه بيلعبه)

يظهر ولد في الناحية الثانية من المسرح ماشي بياكل بطفاصة .. و طول الحديث اللي جاي الولد عمال كل شوية يطلع أكل تاني من جيبه و ياكل أكثر



الصغير: إيه ده يا سيد المعلمين؟

الكبير: ده أول كارت بحب أعب بيه دايمًا .. شهوة الجسد

الصغير: يعني إيه بقى شهوة الجسد

الكبير: دي عبارة عن حاجتين، الحاجة الأولى أن هامه كله يبقى على بطنه .. عايش عشان ياكل

الصغير: ما أي حد عايش عشان ياكل يا كبير

الكبير: لا، الناس لازم تاكل عشان تعيش، مش بيعيشوا عشان ياكلوا .. فهمت؟

الصغير: أااه .. كبير برضه يا كبير ..

طب أنت قلت لي أن الشهوة دي عبارة عن حاجتين الأولى هي الأكل ..

الحاجة الثانية إيه؟

الكبير: الحاجة الثانية هي شهوة الجنس

(هنا الولد يقعد على كنبه و يتتور عليه إضاءة مختلفة لونها أحمر، و يبقى بيتفرج على تليفزيون و مركز .. و تشتغل مزيكا مختلفة)

الكبير: و بس .. تخلي الشهوة تحركه دايمًا .. تخلي تفكيره طول الوقت مش ظاهر .. ارمي أفكار على قد ما تقدر .. و استنى وقت الحصاد بشويش .. و مصيره هيجي

الصغير: أرمي أفكار على قد ما أقدر و أستنى الحصاد .. يا جملك يا معلم

(المزيكا تبدأ تهدا و الولد يبدأ يخرج من المسرح بشويش و هو ماسك موبايله و مركز فيه برضه)

الكبير: أصل أنتم كجيل صاعد من الشياطين لامؤاخذه، عيبكم أنكم عايزين كل حاجة تحصل بسرعة .. بس اتقل شوية و أنت تكسب دايمًا

الصغير: حاضر يا معلم، هتقل ..

طب أدي شهوة الجسد و عرفناها .. إيه بقى باقي اللي في إيدنا ممكن نعمله؟

الكبير: أقول لك (يظهر الكارت الثاني) شهوة العيون (يرمي الكارت)

(يظهر ولد تاني ماشي ورا بنت و باصص عليها)

الصغير: الله! مش دي زي الشهوة اللي فانت؟

الكبير: أه، شبهها .. بس هي مش العيون اللي بتبص على الجنس الآخر بس ..

(يبدأ يظهر ولد يبص على واحد معاه حاجة بتلمع و كأنه نفسه فيها)



**الكبير يكمل:** يعني بص الولد اللي هناك ده، هيموت و ياخذ اللي في إيد صاحبه اللي جنبه .. مع أنه ممكن يبقى مش عارف إيه اللي في إيد صاحبه أساسًا ..

بس هو شايف حاجة بتلمع فنفسه فيها و خلاص ..

**الصغير:** يعني أعمل إيه عشان أخليه يعمل كده؟

**الكبير:** لَمَع الحاجة في عينه .. خليه يحس طول الوقت أنه أقل من اللي حواليه، و أنه كل الناس عندها حاجات أكثر منه .. و أحسن منه ..

علمه فن المقارنات .. طول الوقت يقارن نفسه بغيره، أو يقارن اللي في إيده باللي في إيد الناس ..

و من هنا هتلاقي شهوة العيون تتكفل هي بالباقي ..

**الصغير** (يطلع ورقة و قلم و يكتب): أعلمه فن المقارنات.

**الكبير:** أنت بتعمل إيه؟

**الصغير:** باكتب وراك كلامك الذهب ده يا معلم، عشان مانسأهوش

**الكبير:** جدع ياد .. بتاخذ الحكمة من أفواه الشياطين بصحيح .. تعالى بقى أقول لك على أجدع كارت بنستخدمه و عمره ما بيجلي مهما حصل .. أقوى كارت أي شيطان سكة صغير، يقدر يوقع بيه أجدع بني آدم على الأرض دي

**الصغير:** كارت إيه ده يا معلم؟ اشجيني

**الكبير** (و هو بيظهر الكارت بعدها يرميه): تعظم المعيشة

(يظهر واحد معاه فلوس كتير عمال يعدها، لابس بدلة، و نضارة شمس، و ساعة بيص فيها كل شوية)

**الكبير:** الكارت ده عمره ما بيخيب ظني ياد .. شوف أنا عايش أهه من أيام ما وقعت آدم و جبتة للأرض دي، و لسه مكمل كتير تاني .. لكن قليل لما أشوف بني آدم يعرف يقف قصاد الكارت ده ..

البنّي آدم من دول نفسه يعيش في أحسن عيشة، و يعيش ولاده كمان في أحسن عيشة .. و ده مش عيب ولا غلط .. و احنا مانحبش الحاجة اللي مش عيب .. احنا بتوع العيب كله .. أنت تخلي الواحد من دول يبقى بيعبد الفلوس، يجري وراها و ينسى كل حاجة تانية في حياته .. شغله يبقى واكل كل وقته، عشان هو اللي هيجيب له فلوس .. فينسى يربي ولاده، و ينسى يهتم بمراته، و ينسى ربنا و كل حاجة تانية

و لو جت له رشوى في الشغل، يعديها عادي تحت أي مسمى بقى، سواء إكرامية أو حسنة، أو غيره

أهم حاجة أنه يعيش كويس

خليه يعبد الفلوس عشان يعيش كويس، هتلاقيه مش عارف يعيش



الصغير (وهو بيكتب): خليه يعبد الفلوس، فمش هيعرف يعيش  
الكبير: يا دي حصة الإملاء اللي احنا فيها .. ها خلصت ولا لسه  
الصغير: خلصت و حفظت كمان يا معلم، حتى أسمع لك ..  
شهوة الجسد اللي هي أكل و جنس  
شهوة العيون اللي هي يبص على اللي عند غيره دايماً  
تعظم المعيشة فيعبد الفلوس  
الكبير: جدع ياد، يلا روح جرب، و تعالى قل لي بعدها وصلت لإيه  
الصغير: هوا يا معلم (يمشي)  
الكبير (و هو بيشر من الكاس اللي في إيدته): أهم حاجة أنك يبقى عندك مواهب ناشئين زي الواد ده  
تدربهم على فعل الشر دايماً كده ..  
قوينا ع الشر يا ر... يا شيطان يا كبير

### المعنى

إبليس ماعدوش أي سلاح جديد يحارب بيه غير التلاتة دول، يحارب بيهم بكل زمان و مكان باختلاف  
الشكل بس ..

لو عرفت أسلحة عدوك، تقدر تواجهه و أنت فاهم كويس





# اسكتش محاكمة العالم

القاضي: نادي علي المتهم

الحاجب: المتهم (العالم الموضوع في الشرير )

العالم: ابوة يافندم

القاضي: اسمك وسنك ووظيفتك

العالم: اسم الشهرة بتاعي العالم الموضوع في الشرير ... سني ... كثير اووي اووي .... وظيفتي دي بقي علي حسب

القاضي: علي حسب ايه ياجدع انت ... اتكلم كويس انت في محكمة مش بنهزر

ع: انا مبهرزش سعادتك ... انا وظيفتي علي حسب انت عاوزني ايه ... انا مخترتهاش لا هي ولا اسمي ... ابويا هو اللي اختارهم لي

ق: طب خلاص خلاص ... خلينا نشوف اللي انت بتقوله ده بعدين .... انت يا عالم متهم بإنك من البداية وانت بتغري الانسان للخطية وتخليه يبعد عن قصد الله له ... ايه رأيك في التهمة دي مذنب أم غير مذنب؟

ع: غير مذنب سعادتك

ق: النيابة تتفضل تقدم مرافعتها

النيابة: حضرات القضاة ... القضية التي بين ايديكم الان لن تحتاج منكم وقت ولا مجهود لاثبات ادانة المتهم المائل أمامكم ... فهو ومنذ البدء محارب شرس للانسان ويضع أمامه دائماً كل المغريات التي تجعل الإنسان يسقط في الخطية .. ولكننا ولكي لا نطيل علي حضراتكم نفضل ان نستجوب المتهم ونسأله بضعة أسئلة ومنها ستفهمون حضراتكم مساعيه الخبيثة والمضرة علي مر السنين

ق: الدفاع عنده مشكلة نبتدي الاستجواب والا تحب تقول حاجه قبل الاسئلة

الدفاع: علشان وقت المحكمة خلينا نبتدي الاستجواب ممكن الزميل من النيابة يتفضل يوجه اسئلته لموكلي

ق: اتفضل يا أستاذ إسأل المتهم

ن: يا .. عالم ... انت ليه مرضيتش تقول لسعادة القاضي شغلتك ايه ؟



- ع: عشان انا عندي شغلانات كتير ... انا مجالي واسع وبشتغل في كل حاجة
- ن: تصدق فعلا انك قلت الحق ... بس علي مدي عمرك الطويل شغلانتك الاساسية انك بتاخذ الانسان بعيد عن الله وهدفه له
- ع: انا مبعملش حاجة غصب عن حد ... كل واحد جه معايا ومشى ورايا كان عارف هو بيعمل ايه ... انا مش مسئول عن تصرفات الناس
- ن: يعني انت لما تحط شهوة عيون وجسد وتعظم معيشة قدامهم تبقي دي غلطتهم
- ع: هم عارفين انها غلط ليه جم لحد عندي؟ وبعدين انا مش كل تصرفاتي غلط
- ن: انت علي طول بتحاول تكون ضد الانسان وماعندكش حاجة تبسطه
- ع: ازاي؟ دا انا اللي فيا الشمس اللي بتنور النهار والقمر والنجوم والبحر .. كل دي مناظر طبيعية بتريح نفسية الانسان
- ن: وايه رأيك في اللي مكتوب عنك انك بتبغض المسيح لأنه بيشهد عنك ان اعمالك شريرة
- ع: اللي انا عارفه ان الله احبني لدرجة انه بذل ابنه الوحيد عشاني
- ن: انت طول تاريخك في الكتاب المقدس وانت بتغري الناس .. دا حتي ابليس وهو بيجرب المسيح اغراه بيك
- ع: انا كل حاجة فيا ....الانسان هو اللي بيحدد ازاي يستخدمها خير ولا شر
- ن: سعادة القاضي انا مش محتاج اتكلم تاني وحضرتك سامعه وهو بيعترف انه عنده شر واغراءات ومحاولات مستديمة لاغراء الانسان وسحبه بعيد عن الله
- ق: عندك اي أسئلة تاني حضرتك؟
- ن: لا شكرا يافندم
- ق: الدفاع يتفضل يستجوب المتهم
- الدفاع: قبل ما اسأل المتهم اسئلة بسيطة توضيحية ... أحب بس الأول اوضح ان الله من البدء اعطي الانسان حرية الاختيار ووضع امامه طريقين ... فأى اختيار يختاره هو مسئوليته الشخصية وليست باغراء أو اجبار من موكلي
- (ينظر للمتهم )
- د: يا عالم .... هو الله لما ارسل ابنه للعالم يعني ليك كان قصده يهلكك؟
- ع: لا بالعكس .... هو أرسل ابنه عشان يخلصني



- د: طب وليه اتقال عنك انك موضوع في الشرير اللي هو اسمك بالكامل
- ع: الله عاوز ينقذ الانسان ... فقال عليا كده عشان يبعد الانسان عني ويخوفه مني
- د: طب ايه رأيك في الاتهام الموجه ليك انك بتغري الانسان وتقوده للخطية ؟
- ع: وهو الانسان يعني معندوش رأي ولا شخصية ؟ انا قلت الله نفسه لما ارسل ابنه ارسله عشان ينقذني مش عشان يديني
- د: انا كده أسئلتني خلصت ياسعادة القاضي
- ق: تمام ... وبعد ما سمعنا كل المرافعات من النيابة والدفاع ... الحكم بعد المداولة .
- الحاجب: (محكمة)

### المعنى

هناك فرق بين العالم المقصود به الخليفة والبشر وبين العالم المقصود به المبادئ الشريرة والشهوات.

### مناقشة



قسم الشباب إلى مجموعات (من ٢ إلى ٤ مجموعات حسب العدد)، جهز لكل مجموعة كروت مكتوب عليها الكلمات التالية:

الأكل - اللبس - اللاب توب - الموبايل - الاهل - شهوة العيون - شهوة الجسد - تعظم المعيشه - الحروب - المال - الأصحاب - الكنيسة - ابليس - السجائر - المخدرات - .....

اطلب من كل مجموعة اختيار أول ٥ كلمات تيجي في ذهنهم عندما تذكر أمامهم كلمة «العالم» .. يمكنك إضافة أي كلمات أخرى تجدها مناسبة كما يمكن أن تترك كرتين فارغين لكل مجموعة في حالة أرادوا هم إضافة وصف آخر .

بعد وقت محدد .. اطلب من كل مجموعة من يمثلها ليشارك باختياراتهم .. ثم ناقش الأسئلة التالية:

إيه كانت الصعوبة في اختيار الكروت الخمسة؟

على أي أساس اخترتم الكلمات دي؟

بناء على مناقشتكم .. إيه تعريفكم لكلمة العالم؟

### المعنى

لكلمة العالم أكثر من معنى في الكتاب المقدس.



## التطبيق



اطلب من الشباب في جلسات فردية الصلاة والتفكير في الجوانب التي يضعف فيها أمام هذا العدو، ثم يراجع كيف ننتصر .. ويتخذ قرارات محددة بشأن حياته ليختبر النصرة، ثم يجتمع الشباب في مجموعات صلاة.